



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIV

BROJ: 237

DATUM: 24.2.2017.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održan sastanak sa Premijerom Federacije BiH

Održana uvodna obuka za vijećnike općina Hadžići i Ilidža

Općina Kalesija i Grad Tuzla kandidovali zajednički projekat asfaltiranje puta Babina Luka – Vujani – Seljubilje

Poruke saradnje i prijateljstva gradonačelnika Bihaća i Banja Luke

Oko 17,5 miliona KM budžeta Općine Novi Grad za 2017. godinu planirano za kapitalne projekte

Održana Konferencija o energijskoj efikasnosti u Mostaru

Tešanj, Teslić i Žepče nastavljaju intenzivnu saradnju i u narednim godinama

Investitori iz Turske u posjeti Općini Vareš

Potpisan ugovor o generalnom remontu visoke peći u AMZ-u

Sastanak o aktivnostima projekta PRO Budućnost

Općina Lukavac prva u Bosni i Hercegovini akreditirana za organizovanje dugoročnog volontiranja

Izgradnja mira u kontekstu odnosa prema drugom i drugačijem

Održan sastanak gradonačelnika Tuzle i direktora njemačke Fondacije Konrad Adenauer u Bosni i Hercegovini

Balegem će graditi gradski trg u Gradačcu

Hadžići: Pomak u rješavanju problema javnog gradskog prijevoza

Najava obilježavanja dana općina i gradova za mjesec mart/ ožujak

Bilten Saveza općina i gradova Federacije Bosne i Hercegovine

ODRŽAN SASTANAK SA PREMIJEROM FEDERACIJE BiH



Premijer Federacije Bosne i Hercegovine Fadil Novalić održao je 22. februara/ veljače u sjedištu Vlade FBiH u Sarajevu, sastanak s predstavnicima Saveza općina i gradova Federacije BiH. Sastanku su prisustvovali i sekretarka Vlade FBiH Edita Kalajdžić i direktor Federalne uprave civilne zaštite Fahrudin Solak, te načelnici sedam općina iz Federacije BiH. Sastanak je organiziran kako bi bile obavljene konsultacije o radnom tekstu zakona o izmjenama i dopunama Zakona o zaštiti i spašavanju ljudi i materijalnih

dobara od prirodnih i drugih nesreća. Premijer Novalić je naglasio da se današnjim sastankom žele razmijeniti mišljenja Vlade i Saveza o ovom pitanju, te istaknuo da se izmjenama i dopunama ovog zakona ne žele ukinuti općinske civilne zaštite, već samo pronaći novi izvori njihovog finansiranja. U dijelu Reformske agende koji se odnose na smanjenje opterećenja za privredne subjekte, kao i stvaranje što povoljnijeg ambijenta za rast i razvoj ekonomskih aktivnosti, ocijenjeno je da plaćanje posebne naknade za zaštitu od prirodnih i drugih nesreća iz sredstava pravnih lica, a koje poslodavci izdvajaju u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća, u velikoj mjeri otežava poslovanje privrednih subjekata, razvoj privrede i intenziviranje ekonomskih aktivnosti u FBiH. Također, na izmjene ovog zakona Federacija BiH se obavezala i u Pismu namjere Međunarodnom monetarnom fondu. Federalni premijer je zaključio da bi predstavnici Federalne uprave civilne zaštite i Saveza općina i gradova FBiH zajednički trebali iznaći najbolje rješenje za nove izvore finansiranja koje će ponuditi Vladi FBiH na razmatranje.

ODRŽANA UVODNA OBUKA ZA VIJEĆNIKE OPĆINA HADŽIĆI I ILIDŽA

U Hadžićima je, 22. februara/veljače održana uvodna obuka za vijećnike na temu: Šta vijećnici treba da znaju o lokalnoj samoupravi. Obuka je održana na osnovu Strategije obuke za uposlenike i izabrane zvaničnike u jedinicama lokalne samouprave u Federaciji Bosne i Hercegovine 2016. - 2020. godine, koju je usvojila Vlada Federacije Bosne i Hercegovine i Odluke o osiguranju finansijske održivosti obuke za uposlenike i izabrane zvaničnike u jedinicama lokalne samouprave Federacije Bosne i Hercegovine. Tokom seminara, vijećnici su imali priliku da se upoznaju sa strukturom pravnog okvira lokalne samouprave u Federaciji Bosne i Hercegovine, tretirajući ustavni i zakonski položaj jedinica lokalne samouprave, strukturu organa, nadležnosti, kao i drugim relevantnim temama. Voditelj obuke je mr. sc. Uma Isić, stručni savjetnik za rad sa izbornim komisijama i centrima za birački spisak u Centralnoj izbornoj komisiji BiH. Gđica Isić je dugogodišnji konsultant Saveza i voditelj velikog broja obuka za izabrane zvaničnike (načelnike i vijećnike).





OPĆINA KALESIJA I GRAD TUZLA KANDIDOVALI ZAJEDNIČKI PROJEKAT ASFALTIRANJA PUTA BABINA LUKA- VUJANI- SELJUBLJE



Na inicijativu načelnika općine Kalesija Seada Džafića nedavno je u Kalesiji održan zajednički sastanak gradonačelnika i načelnika susjednih općina. Na sastanku su dogovoreni konkretni koraci zajedničkog nastupa i kandidovanja projekata prema višim nivoima vlasti i međunarodnim institucijama u cilju stvaranja uslova za bolji i kvalitetniji život svih građana na ovim prostorima. Prvi rezultati ovog sastanka uskoro bi mogli dati konkretne

rezultate. Naime, načelnik općine Kalesija Sead Džafić i gradonačelnik Tuzle Jasmin Imamović su uputili zahtjev Ministarstvu raseljenih osoba i izbjeglica FBiH za sanaciju i asfaltiranje puta Babina Luka – Vujani – Seljublje. Realizacijom ovog projekta popravili bi se uvjeti življenja u kalesijskim povratničkim naseljima Seljublje i Babina Luka i naselju Vujani, koje teritorijalno pripada gradu Tuzla. Dužina puta namijenjenog za rekonstrukciju je 2,1 kilometar, a procijenjena vrijednost radova je 350.000 KM. Ova naselja koriste zajednički makadamski put koji je u veoma lošem stanju. Put je dosta davno izgrađen, nije adekvatno održavan, a oštećen je i klizištem. Općina Kalesija i Grad Tuzla imaju zajednički interes da rade na realizaciji projekta sanacije ove putne dionice uključujući i asfaltiranje. Nadamo se da će Ministarstvo raseljenih osoba i izbjeglica FBiH prepoznati značaj zajedničkog projekta grada Tuzle i općine Kalesija, čime će se poboljšati uvjeti života povratnika bošnjačke i srpske nacionalnosti.

Općina Kalesija i Grad Tuzla imaju zajednički interes da rade na realizaciji projekta sanacije ove putne dionice uključujući i asfaltiranje. Nadamo se da će Ministarstvo raseljenih osoba i izbjeglica FBiH prepoznati značaj zajedničkog projekta grada Tuzle i općine Kalesija, čime će se poboljšati uvjeti života povratnika bošnjačke i srpske nacionalnosti.

PORUKA SARADNJE I PRIJATELJSTVA GRADONAČELNIKA BIHAĆA I BANJA LUKE

U banjalučkoj Gradskoj upravi održan je 16. februara/ veljače prvi zvanični sastanak delegacija Grada Banja Luka i Grada Bihaća, koje su predvodili gradonačelnici Igor Radojičić i Šuhret Fazlić. Radojičić i Fazlić su uputili zajedničku poruku saradnje, prijateljstva i tolerancije između gradova u Bosni i Hercegovini, te izrazili zadovoljstvo zbog današnjeg susreta u Banjoj Luci. "Današnja poruka iz Banje Luke je poruka saradnje. Nelogično je da imamo intenzivnu i



dobru saradnju samo sa lokalnim zajednicama izvan BiH, a da unutar zemlje nije bilo ovakvih kontakata. Mislimo da to treba proširiti i na ostale lokalne zajednice u BiH, jer imamo o čemu da razgovaramo. Isto tako, u našim uzavrelim političkim odnosima u BiH koji su prepuni prepucavanja, pokazujemo da se može komunicirati na normalnoj i prijateljskoj osnovi", poručio je čelni čovjek Banje Luke. Gradonačelnik Bihaća Šuhret Fazlić, istakao je da sa banjalučkim gradonačelnikom dijeli ista uvjerenja i da se ideja o ovom sastanku rodila odmah nakon završetka lokalnih izbora. "Imamo iste planove i probleme. Znamo svi koliko je lako u BiH posvađati se i ne slagati se, a mi smo danas pokušali da pronađemo što više tema koje nas povezuju, da pronađemo što više rješenja za zajedničke probleme, a za dobrobit građana Banje Luke i Bihaća. Siguran sam da je ovo početak jedne izuzetne saradnje", naveo je Fazlić.



Grb Grada Bihaća

Govoreći o konkretnoj saradnji dva grada, Radojičić je rekao da svaki grad ima svoje dobre prakse i da svako od nas od onog drugog ima šta da nauči. "Cilj je da jedni druge upoznamo šta su dobre prakse u obje lokalne zajednice, vidjeti šta je ko bolje riješio i da učimo jedni od drugih. Razmijenili smo niz tema koje se tiču rada komunalnih službi, organizacije gradskih uprava i slično. Nije sramota pitati ako nešto ne znate. Ako smo išli u Beograd, Novi Sad, Zagreb i Ljubljano da čujemo iskustva ovih gradova, onda nam nije strano i da upitamo naše komšije ako su nešto dobro uradili", zaključio je Radojičić. Gradonačelnici Radojičić i Fazlić dogovorili su se da uskoro delegacija Grada Banja Luka posjeti Bihać.

OKO 17,5 MILIONA KM BUDŽETA OPĆINE NOVI GRAD ZA 2017. GODINU PLANIRANO ZA KAPITALNE PROJEKTE

Budžet Općine Novi Grad Sarajevo za 2017. godinu iznosi 38.175.000 konvertibilnih maraka. Skoro polovina budžeta, tačnije 17.442.000 KM bit će usmjerena u kapitalne projekte. Nešto više od 2,5 miliona konvertibilnih maraka planirano je za izgradnju i rekonstrukciju cesta, pješačkih staza i trgova, dok je za izgradnju i rekonstrukciju vodovodne i kanalizacione mreže osiguran 1.325.000 KM, a za izgradnju i rekonstrukciju javne rasvjete 280.000 KM. Planirana su i sredstva za izgradnju školskih i predškolskih



objekata u iznosu od 1.480.000 KM, od tih sredstava finansirat će se izgradnja sportske dvorane i dodatnih učionica sa pratećim sadržajima u OŠ "Umihana Čuvdina" u Boljakovom Potoku, nastavak izgradnje škole na Aneksu, koja se realizira u saradnji sa Općinom Novo Sarajevo i Ministarstvom za obrazovanje, nauku i mlade Kantona Sarajevo. Općina će zajedno sa Ministarstvom obrazovanja, nauke i mladih KS-a sufinansirati izgradnju fiskulturne sale u školi u Dobroševićima, kao i početak rekonstrukcije vrtića "Vjeverica" na Alipašinom Polju. Za izgradnju i rekonstrukciju dječijih i sportskih igrališta i drugih sportsko-rekreacionih sadržaja, uključujući i sadržaje u Centru "Safet Zajko" u ovogodišnjem budžetu planirano je blizu milion i po konvertibilnih maraka. Također, nastavit će se provođenje aktivne politike podrške razvoju privrede, poljoprivrede i zapošljavanja u što će biti plasirano više od milion konvertibilnih maraka. To se prije svega odnosi na podsticaj privrednim subjektima s područja općine Novi Grad putem regresiranja kamatne stope za koji je izdvojeno 400.000 KM. Sredstvima u iznosu od 350.000 KM finansirat će se program prekvalifikacije radnika za deficitarna zanimanja, dok je za sufinansiranje zapošljavanja pripravnika osigurano 150.000 KM. Bit će nastavljeni i programi podsticaja razvoju poljoprivredne proizvodnje koji su se u prethodnim godinama pokazali vrlo uspješnim. Za tu namjenu izdvojeno je 219.000 KM, kao i star up program pokretanja biznisa za šta je planirano 100.000 konvertibilnih maraka. Sredstva u iznosu od 1,5 miliona konvertibilnih maraka osigurana su za programe socijalne i zdravstvene zaštite, za pomoć u liječenju teško oboljelih građana, zatim pomoć penzionerima, finansijsku pomoć osobama starijim od 65 godina koje nisu osigurane, porodicama koje dobiju treće i više djece, troškove prevoza učenika sa posebnim potrebama i sl. Pored toga, milion konvertibilnih maraka predviđen je za realizaciju različitih programa podrške boračkoj populaciji, a isto toliko sredstava usmjerit će se u realizaciju programa podrške obrazovanju, za stipendiranje uspješnih učenika i studenata, provođenje škola skijanja i plivanja za učenike novogradskih osnovnih škola, škole planinarenja i sl. Izdvojena su i sredstva za pomoć mladima s područja Novog Grada koji prvi put rješavaju stambeno pitanje, kao i sredstva za pomoć nezaposlenim porodicama, čija je mjesečna porodijska naknada dvostruko niža od naknade koju primaju zaposlene porodice. Jedan broj projekata Općina će realizirati u saradnji sa višim nivoima vlasti, Kantonom Sarajevo i Federacijom BiH.

KORISNI LINKOVI ZA PREDPRISTUPNE FONDOWE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmamed.eu
www.tacso.org
www.euroinfocentar.ba
www.balkanfund.org
www.eurelmed.com
www.eneca.ec.europa.eu

Nešto više od 2,5 miliona konvertibilnih maraka planirano je za izgradnju i rekonstrukciju cesta, pješačkih staza i trgova, dok je za izgradnju i rekonstrukciju vodovodne i kanalizacione mreže osiguran 1.325.000 KM, a za izgradnju i rekonstrukciju javne rasvjete 280.000 KM.



ODRŽANA KONFERENCIJA O ENERGIJSKOJ EFIKASNOSTI U MOSTARU



U Gradskoj Vijećnici Grada Mostara 10. februara/ veljače su gradonačelnik Grada Mostara, Ljubo Bešlić i izaslanik predsjednika Vlade HNK-a, Veselko Čerkez, otvorili konferenciju o energijskoj efikasnosti/učinkovitost s nazivom „Energijska efikasnost-prilika ili trošak?!“ Konferencija je održana u dva dijela. U prvom dijelu je promoviran i prezentiran Akcioni plan energijski održivog razvoja Grada Mostara 2016-2020. Plan je izrađen u sklopu provođenja

projekta „CB-GREEN ; Prekogranično - zeleno, obnovljivo i energetski efikasno umrežavanje“ gdje je Grad Mostar jedan od partnera iz Bosne i Hercegovine zajedno s općinom Neum, razvojnom agencijom REDAH i udrugom Mare Nostrum, te s Hrvatske strane Gradom Zadrom, agencijom za razvoj Zadra Nova i udrugom Eko-Zadar. Akcioni plan energijski održivog razvoja je detaljno analizirao energijsko stanje Grada Mostara s polaznom 2014. godinom, te sadržava, pored ostalog, i prijedloge mjera i aktivnosti koje je potrebno provesti kako bi se smanjila emisija CO₂e na području Grada Mostara, povećao udjel obnovljivih izvora energije i povećala energijska efikasnost. Dijelom je obrađen izvor i način finansiranja projekata EE i OIE. Izrada Akcionog plana je trajala nepunu godinu dana. Grad Mostar je dobio cjelovit dokument koji pokazuje jasno kamo i kako treba ići Grad Mostar odgovornim provođenjem održive energetske politike. Planirane mjere, potrošnja energije i emisije, promatrane su odvojeno za šest sektora, i to; zgradarstvo, saobraćaj, javna rasvjeta, čvrsti otpad, vodoopskrba i obnovljivi izvori energije. Ukupna emisija CO₂ promatranih sektora, na području grada Mostara za baznu 2014. godinu, iznosila je 380.504 tCO₂e, s tim da zgradarstvo ima najveći udio – 54 posto, zatim prijevoz sa 29 posto, komunalni otpad 10 posto, tranzitni prevoz 4 posto, javna rasvjeta 2 posto, dok najmanji udio ima sektor vodoopskrbe svega 1 posto. U drugom dijelu konferencije raspravljalo se o izrađenom Akcionom planu, promoviran je novi internacionalni projekt IMPULSE (MED-IPA) gdje je glavni partner Grad Mostar, raspravljalo se o novom Zakonu o energijskoj efikasnosti FBiH, promoviran je potpis i pristup Grada Mostara Sporazumu gradonačelnika (Covenant of Mayors) EU, obrađeno je niz stručnih tema o EE, te su predstavljeni uspješni domaći preduzetnici koji se bave proizvodnjom uređaja i upotrebom OIE. Više od stotinu učesnika današnje konferencije bilo je zadovoljno zanimljivim predavanjima i odgovorima od strane predavača: predstavnika Ministarstva prostornog uređenja FBiH-Jasmine Katice, Ministarstva energije, rudarstva i industrije FBiH-Aide Jelinić, Fonda za zaštitu okoliša FBiH-Jasmine Kafedžić, Njemačke privredne komore za BiH (AHK)-Amre Šurković, CETEOR-Vedada Suljića, Njemačkog predstavništva u BiH (GIZ)-Esada Smajlovića, Zavoda za prostorno uređenje Grada Mostara-Salema Bubala, Građevinskog fakulteta-Maje Roso Popovac, konzultanta za energiju i klimatske promjene-Nihada Harbaša, menadžera za EE Grada Mostara-Darka Knezovića, te uspješnih privatnih preduzetnika iz Mostara koji se bave EE-Slađana Marinovića (EnergijaM-proizvodnja solarnih panela) i Sandra Zovke (Zagrebinspekt). Poslije svake obrađene teme prisutni su postavljali pitanja i imali priliku diskutirati o temama. Organizator današnje konferencije je Grad Mostar-Tim za EE Grada Mostara. Ovom prilikom se još jednom zahvaljujemo svima na učešću, a posebno gostima – predavačima, te medijima koji su pokazali izuzetno zanimanje za ovaj događaj.

Ukupna emisija CO₂ promatranih sektora, na području grada Mostara za baznu 2014. godinu, iznosila je 380.504 tCO₂e, s tim da zgradarstvo ima najveći udio – 54 posto, zatim prijevoz sa 29 posto, komunalni otpad 10 posto, tranzitni prevoz 4 posto, javna rasvjeta 2 posto, dok najmanji udio ima sektor vodoopskrbe svega 1 posto.



Grb Grada Mostara

TEŠANJ, TESLIĆ I ŽEPČE NASTAVLJAJU INTEZIVNU SARADNJU I U NAREDNIM GODINAMA

Načelnici općina Tešanj Suad Huskić, Teslić Milan Miličević i Žepče Mato Zovko sastali su se u Tešnju 15. februara/ veljače kako bi razgovarali o nastavku saradnje tri općine u narednom periodu. Ovo je prvi zvanični sastanak u novom mandatu, a ove općine su u prethodnom periodu sarađivale na projektima BEAR - područje poslovne izvrsnosti, COBEAR - nastavak BEAR projekta uz uključivanje privrednika, a od prošle godine sve tri općine su nosilac BFC sertifikata. Općine Tešanj, Teslić i Žepče bilježe pozitivan ekonomski rast kada je u pitanju broj zaposlenih, ukupan promet i izvoz. Intenzivnija saradnja naše tri općine,



započeta je još 2012. godine. Trenutno se ta saradnja ostvaruje kroz projekat koji implementiraju TRA - Agencija za razvoj Tešanj, RAŽ Žepče, Opština Teslić i Udruženje privrednika općine Tešanj. Danas smo se sastali kao načelnici općina u novom mandatu. Razgovarali smo o rezultatima naše saradnje u prethodnim godinama i konstatovali da je u našim općinama ostvaren napredak na različite načine. Jedinštveni smo u tome da želimo saradnju nastaviti i u narednim godinama. Uskoro ćemo organizirati radni sastanak na kojem ćemo konkretizirati planove za budućnost, kazao je Općinski načelnik Suad Huskić. Saradnja općina Tešanj, Teslić i Žepče počela je projektom BEAR – područje poslovne izvrsnosti, što je prepoznao i FDI magazin, glasilo Financial Times-a i proglasio ovo područje Evropskom regijom budućnosti za 2014/2015. godinu. Zajednička saradnja tri općine rezultirala je povećanjem broja zaposlenih, prometa firmi i izvoza. U projekat COBEAR koji je nastavak projekta BEAR, uključene su 33 kompanije sa područja Općine Tešanj u četiri sektora – metaloprerađivačka, tekstilna industrija, prehrambena industrija i drvoprerađivačka. Analiza je pokazala da je izvoz na uzorku ove 33 kompanije povećan za 42,64%, da je promet povećan za 23,66 %, dok je broj novoupisanih povećan za 13,89%.

INVESTITORI IZ TURSKE U POSJETI OPĆINI VAREŠ



Općinu Vareš 22. februara/ veljače posjetili su predstavnici firme iz Turske koja se bavi preradom drveta i koja želi investirati na prostoru BiH. Radi se o jednoj od najuspješnijih firmi u Turskoj, a petoj u svijetu po proizvodnji kada je prerađivačka drveta u pitanju. Namjera im je investiranje u proizvodne pogone na područjima Mađarske, Rumunjske, Slovenije, Hrvatske i Bosne i Hercegovine. Od lokaliteta u Bosni i Hercegovini odabrani su Vareš i Vitez zbog prostora i drvnog bogatstva. Konkretno, misli se na proizvodnju medijapan ploča za čiju

izradu je potrebna bukva i sve vrste crnogorice. Investicija bi podrazumijevala zapošljavanje 500 osoba i ulaganje od oko 100 milijuna €. Za potrebe izgradnje proizvodnih pogona potrebno je minimum 10 ha što je za naše prilike u Varešu vrlo teško osigurati. U sklopu posjete općini Vareš obišli su pogone u Ponikvi čiji je vlasnik dijelom kineska firma Bluhend Wood, a dijelom firma iz Visokog zbog prostora i već izgrađenih objekata. Goste je dočekala delegacija u sastavu: Zdravko Marošević - Općinski načelnik, Kenan Kamenjaš - predsjedavajući Općinskog vijeća, Ermin Musa – pomoćnik načelnika za financije i gospodarstvo i Mario Mirčić – vijećnik Općinskog vijeća. Investitori su prikupili sve informacije koje su im neophodne za daljnje aktivnosti i u narednom razdoblju informirat će općinu o svojim namjerama za daljnje ulaganja.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Vareš



Pratite našu
web stranicu

POTPISAN UGOVOR O GENERALNOM REMONTU VISOKE PEĆI U AMZ-U

U Zenici je 14. februara/ veljače potpisan Ugovor o generalnom remontu visoke peći u kompaniji ArcelorMittal Zenica. Ugovor je potpisan s holandskom firmom Danieli Corus. Vrijednost projekta je 38 miliona KM. Ceremoniji svečanog potpisivanja Ugovora su osim generalnog direktora kompanije ArcelorMittal Zenica Biju Naira i generalnog direktora kompanije Danieli Corus Petera Zonnevela, prisustvovali i pomoćnik ministra u Ministarstvu energije, rudarstva i industrije Federacije BiH Marinko Bošnjak, gradonačelnik Zenice Fuad Kasumović, ministar privrede Zeničko-dobojskog kantona




Zlatko Jelić te drugi ugledni gosti. Remont i modernizacija pogona koji nije bio u funkciji gotovo 17 godina su veoma važni kako za kompaniju ArcelorMittal tako i za privredu grada Zenice, Kantona i cijele BiH. Ovom prilikom gradonačelnik Kasumović je podsjetio na dobru saradnju lokalne zajednice i AMZ-a. Gradonačelnik je izjavio; "ovo nije jedini projekt koji realizuje ArcelorMittal. Veoma brzo će se realizovati i drugi projekti poput unapređenja životne sredine. Završava se okolinska dozvola gdje će kompanija do 2018. godine, kako je meni obećano, imati sve parametre koje imaju željezare u Evropskoj uniji. Znači okolinska dozvola, sveobuhvatna ili jedinstvena koja će se izdati AMZ-u sadržavat će sve probleme koji moraju biti riješeni do 2018. godine." Također je pomenuo i projekt joint venture kompanije sa AMZ-om kojim se rješavaju problemi grijanja grada i zagađenja. Zamolio je generalnog direktora ArcelorMittala i generalnog direktora kompanije Danieli Corus da prilikom angažovanja radnika na poslovima remonta daju prednost zeničkim firmama. Potpisivanjem ovog ugovora kompanija ArcelorMittal Zenica je potvrdila svoju opredijeljenost da nastavlja s radom u Zenici narednih 15 godina.



Grb Grada Zenice

SASTANAK O AKTIVNOSTIMA PROJEKTA PRO BUDUĆNOST



Načelnik općine Livno Luka Čelan u radni posjetio primio je 15. februara/ veljače direktoricu projekta PRO Budućnost Majdu Behrem Stojanov sa suradnicama Editom Čolo Zahirović i Dajanom Bogdanović. Riječ je o predstavnicama agencije Biskupske konferencije Sjedinjenih Američkih Država Catholic Relief Services (CRS) koja na području Bosne i Hercegovine djeluje više od dvadeset godina. Na sastanku je bilo riječi o jednom od

najvećih mirovnih projekata koji CRS provodi sa svojim partnerima u trideset gradova i općina Bosne i Hercegovine među kojima je i Livno. Projekt Povjerenje, Razumijevanje i Odgovornost za Budućnost - PRO, promovira pomirenje u okviru zajednica u BiH a realizira se uz financijsku podršku Američke agencije za međunarodni razvoj (USAID). Cilj je izgraditi povjerenje među građanima iz svih etničkih skupina u Bosni i Hercegovini, te podržati okruženje u kojem građani, potaknuti ključnim utjecajnim osobama, zagovaraju nove društvene promjene koje poboljšavaju kvalitetu života. Na sastanku u Livnu također je bilo riječi o aktivnostima na projektu međureligijske suradnje. Istaknuta je spremnost obiju strana za nastavak suradnje na spomenutim projektima.



Grb Općine Livno

OPĆINA LUKAVAC PRVA U BOSNI I HERCEGOVINI AKREDITOVANA ZA ORGANIZOVANJE DUGOROČNOG VOLONTIRANJA



Općina Lukavac je dobila akreditaciju za dugoročno volontiranje i to na period od 5 godina, od 2. februara/ veljače 2017.g. – 2. februara/ veljače 2022.g. Inicijativu za ovu aktivnost, pokrenuo je općinski načelnik Edin Delić, neposredno nakon stupanja na dužnost u novembru 2016.g. Zahtjev Federalnom ministarstvu pravde za izdavanje akreditacije za organizovanje dugoročnog volontiranja, sadržavao je pregled i opis volonterskih aktivnosti i usluga koje bi obavljali volonteri. Nakon ispunjavanja uslova po članu 26. Zakona o volontiranju FBiH, te članu 4. i 5 Pravilnika o postupku akreditiranja organizatora volontiranja, Općina Lukavac je upisana u registar, čime je kao jedina Općina u Bosni i Hercegovini zvanično postala organizator dugoročnog volontiranja. Dugoročno volontiranje u FBiH je obavljanje volontiranja dužeg od 240 sati u najmanje 3 mjeseca bez prekida, u skladu sa Zakonom. Cilj za ovu aktivnost

je u namjeri da se građani mlađe, ali i starije životne dobi, aktivno uključe u društvene procese u lokalnoj zajednici, kako bi svojim angažmanom poboljšali kvalitet svog života i pridonijeli razvoju humanijeg i ravnopravnijeg društva, kao i boljitku zajednice. Mladim ljudima je omogućeno da kroz volontiranje steknu različita iskustva, koja će i njih same izgraditi i učiniti konkurentnijim i kompetentnijim na tržištu rada, a starijim omogućiti da ostanu aktivni i da svojim iskustvom pomognu zajednici. U Velikoj Britaniji, koja je na vrhu svjetske ljestvice po rastu BDP, čak 40 % odraslih ljudi se bavi volontiranjem i na taj način doprinose razvoju društva. Dugoročno volontiranje u struci, priznaje se kao radno iskustvo za koje se izdaje potvrda, a volonteri će biti angažovani na uslugama: pravne i druge stručne pomoći građanima, te prikupljanja dokumentacije i drugih podataka u cilju efikasnog rješavanja zahtjeva građana. Volonterske aktivnosti usmjerit će se i na istraživanja, pronalaženja i predlaganja modaliteta za skraćivanje, ubrzavanje i pojednostavljivanje Zakonom propisanih postupaka koji su u nadležnosti općine, te aktivnosti vezano za uspostavu i održavanje registra privrednika na području općine Lukavac, kao i izradu kataloga usluga koje oni pružaju. Volonterski rad je potreban i u mjesnim zajednicama, u različitim oblastima neophodnim za njihovo organizovanje i efikasnije funkcionisanje, te na uspostavi i održavanju evidencija i registara stambenih, poslovnih i garažnih jedinica i ostalih evidencija, kao i aktivnostima vezanim za izradu strategije općine. Pored javnih organa, organizatori dugoročnog volontiranja u FBiH mogu biti i javne ustanove i pravna lica registrovana u skladu sa Zakonom o udruženjima i fondacijama FBiH ili Zakonom o udruženjima i fondacijama BiH.



Grb Općine Lukavac

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

IZGRADNJA MIRA U KONTEKSTU ODNOSA PREMA DRUGOM I DRUGAČIJEM

Slušanjem drugih i otvorenosti prema drugima smanjujemo predrasude i bolje razumijemo mišljenja i iskustva drugih, što je polazište za izgradnju povjerenja i trajnog mira. To je upravo tema i svrha „Naših razgovora“ „Izgradnja mira u kontekstu odnosa prema Drugom i Drugačijem“ koji su održani 16. februara/ veljače u Velikoj sali Općine Goražde. Na početku današnjeg skupa sve prisutne najprije je pozdravio i poželio im dobrodošlicu načelnik Općine Goražde dr. sc. Muhamed Ramović koji je pohvalio aktivnosti koje se provode u sklopu projekta PRO Budućnost u kojem učestvuje i sama Općina Goražde, naglasivši da je Goražde primjer suživota i tolerancije i da će Općina nastaviti podržavati ovaj projekat. „Naši razgovori“ se organiziraju u okviru projekta PRO-Budućnost (Povjerenje, Razumijevanje, Odgovornost za Budućnost) Američke agencije za međunarodni razvoj (USAID) koji implementira Catholic Relief Services u suradnji sa Fondacijom Mozaik, Caritasom BiH, Forumom građana Tuzle, Helsinškim parlamentom građana Banja Luka i Međureligijskim vijećem u BiH, a na današnjem „Razgovoru“ su sudjelovali građani i građanke, predstavnici/ce lokalnih vlasti, civilnog društva, medija, vjerskih zajednica iz općine Goražde. Svrha „Razgovora“ je pružiti mogućnost građanima da kroz otvoren i iskren dijalog počnu razumijevati životna iskustva i perspektive „drugih“ i ostvare saradnju na aktivnostima koja mogu izgraditi mir i povjerenje u lokalnim zajednicama.



Kako živimo u društvu koje je još uvijek opterećeno posljedicama prošlosti, ali i činjenicom da se mir konstantno ugrožava diljem svijeta, zajednički moramo afirmirati vrijednosti mira kao naše civilizacijske, ali i osobne odgovornosti. Samo tako možemo kreirati život bez strahova, uz međusobno poštivanje, razumijevanje i povjerenje, ali i solidarnost kao sastavni dio naše filozofije života. Moderatori „Razgovora“ bili su Vehid Šehić iz Foruma građana Tuzla (partner u okviru projekta PRO-Budućnost) i Amra Pandžo, mirovna aktivistica. Da je veoma

bitna tema o kojoj danas govorimo naglasio je moderator današnjih „Razgovora“ Vehid Šehić iz Foruma građana Tuzla – „Nažlost, mi smo daleko od izgradnje razumijevanja, povjerenja, daleko smo od stvaranja ambijenta u kome ćemo osjećati ono o čemu govori naša današnja tema koja upravo govori o izgradnji mira u kontekstu drugog i drugačijeg. Mi još živimo u tim podjelama etničkim, vjerskim. Sistem vrijednosti je takav da je najbitnije šta si a ne kakav si i zadnjih 20 godina kada smo očekivali da ćemo krenuti u izgradnju mira, nažalost politički lideri ne dozvoljavaju da kao građani, kao ljudi razmišljamo svojom glavom. Oni nam nameću neke stvari, stalno smo u toj nekoj političkoj krizi koja je dovela do socijalne krize i ono što je najgore do moralne krize. Danas u politici nema vrijednosti, moralnih principa i sve se svelo na nešto što apsolutno ne liči na politiku koja treba da bude časno zanimanje. Ova tema je jako bitna i o njoj trebamo govoriti.“

ODRŽAN SASTANAK GRADONAČELNIKA TUZLE I DIREKTORA NJEMAČKE FONADACIJE KONRAD ADENAUER U BOSNI I HERCEGOVINI

U Gradskoj upravi Tuzle održan je 22. februara/ veljače sastanak kojem su prisustvovali gradonačelnik Jasmin Imamović i dr. Karsten Dümmel, direktor njemačke Fondacije Konrad Adenauer u Bosni i Hercegovini. Gradonačelnik Imamović se zahvalio za pomoć koju Vlada Njemačke pruža BiH na putu ka EU, te ukidanju diskriminacije i uspostavi ravnopravnosti svih građana BiH. Također, gradonačelnik Imamović je istaknuo da je potrebno ubrzati proces ustavnih reformi u Federaciji BiH, kako bi se



povećala ekonomičnosti i efikasnost funkcionisanja javne uprave, obezbijedila ravnopravnost svih građana, te rasteretila privreda. Tokom sastanka dr. Karsten Dümmel je istaknuo da se, tokom 2017. godine, kroz saradnju sa državnim institucijama, političkim partijama kao i organizacijama građanskog društva, očekuje intenzivnije prisustvo fondacije u Tuzli, te pozvao gradonačelnika Imamovića da posjeti ured Fondacije Konrad Adenauer u Sarajevu, u cilju konkretnijih dogovora o budućoj saradnji.

Fondacija Konrad Adenauer već dugo djeluje u Bosni i Hercegovini, sa ciljem uspostavljanja funkcionalnijeg rada političkih stranaka u parlamentarnoj demokratiji, podrške integraciji Bosne i Hercegovine u Evropsku uniju, savladavanje prošlosti i pomirenja. Oblici djelovanja fondacije su organiziranje seminara, okruglih stolova, konferencija, savjetovanja, političkih dijalog-programa, stručnih i političkih razgovora, te posjeta zemljama u regiji, Njemačkoj i Evropskim institucijama u saradnji sa domaćim i međunarodnim partnerima.



Grb Općine Goražde



Grb Grada Tuzle

BALAGEM ĆE GRADITI GRADSKI TRG U GRADAČCU

U sjedištu Turske uprave za međunarodnu saradnju i razvoj (TIKA) u Sarajevu 22. februara/ veljače odabran je izvođač radova na izgradnji gradskog trga u Gradačcu. Izvođač radova je Balegem d.o.o. Gradačac i ukupna investicija će iznositi oko 700.000 KM. Radovi će početi u narednih nekoliko dana, ovisno o vremenskim prilikama, saopćeno je iz Općine Gradačac. Realizacija ovog projekta uređenja gradskog trga je u sklopu protokola zaključenog između općine Gradačac i TIKA-e polovinom 2016. godine. Finansijska sredstva za ovaj projekat obezbjedili su partnerski grad Sivas (Turska), TIKA uz učešće Općine Gradačac. TIKA je u Bosni i Hercegovini realizovala niz projekata na poljima obrazovanja, zdravstva, poljoprivrede i zaštite kulturno-historijskih spomenika što predstavlja jednu veoma važnu instituciju koja podržava rekonstrukciju i izgradnju važnih objekata na području naše države.



Grb Općine Gradačac

HADŽIĆI: POMAK U RJEŠAVANJU PROBLEMA JAVNOG GRADSKOG PRIJEVOZA



U zgradi Općine Hadžići održan je 14. februara/ veljače sastanak s ciljem rješavanja gorućeg problema javnog gradskog prijevoza na području općine Hadžići. Sastanku su pored Općinskog načelnika Hamde Ejubovića prisustvovali i zastupnik u Skupštini KS Eldar Čomor, predsjedavajući Općinskog vijeća Hadžići Adnan Proha, direktor OŠ "6.mart" Hadžići Muhamed Čović te predstavnici GRAS-a Senad Mujagić (šef autobusnog saobraćaja), Mufida Čekić (rukovodilac minibuskog saobraćaja) i Halil Đozo (šef minibuskog saobraćaja). Općinski načelnik je odobrio sredstva za opravku i nabavku novih dijelova za vozila koja saobraćaju na linijama Koščan, Ušivak, Kasatići i Miševići. Inače, to su linije koje u protekle dvije godine bilježe najveći broj propuštenih vožnji. Dat je rok od sedam dana da se u potpunosti normalizira javni gradski prijevoz na području općine Hadžići. U dogovoru preduzeća GRAS i rukovodstva OŠ "6.mart" Hadžići bit će usklađen red vožnji prema rasporedu časova te škole. Sastanak je rezultat kontinuiranog rada na rješavanju problema javnog gradskog prijevoza na području općine Hadžići kojeg vode Općina Hadžići, Ministarstvo saobraćaja KS, Skupština KS, menadžmenti osnovnih i srednje škole, mjesne zajednice, Vijeće roditelja OŠ "6.mart" Hadžići te roditelji djece.

KORISNI LINKOVI ZA
PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC MART/ OŽUJAK

10. mart/ožujak - Dan Općine Doboj Istok. Tog dana 1998. godine Parlament Federacije BiH donio je odluku o osnivanju općine Doboj Istok.

10. mart/ožujak - Dan Općine Teočak. Ovaj datum je izabran jer je na taj dan 1998. godine stupio na snagu Zakon o konstituisanju novih općina u FBiH.

12. mart/ožujak - Dan Općine Ilidža. Naime, 12. marta 1996. godine, provodeći odredbe Dejtonskog mirovnog sporazuma, realizirana je mirna reintegracija područja općine Ilidža.

15. mart/ožujak - Dan Općine Dobretići. Naime, na taj datum Parlament Federacije BiH formirao je Općinu Dobretići.

17. mart/ožujak - Dan Općine Trnovo. Na ovaj dan izvršena je reintegracije područja općine Trnovo 1996. godine.

18. mart/ožujak - Dan Općine Fojnica. Ovaj datum je uzet za obilježavanje Dana Općine jer se u dokumentima dubrovačkih trgovaca na taj dan 1365. godine prvi put spominje grad Fojnica.

18. mart/ožujak - Dan Općine Sapna. Ovaj dan je uzet za obilježavanje Dana Općine zato što je tog dana 1998. godine održana prva sjednica Općinskog vijeća novoformirane Općine Sapna.

19. mart/ožujak - Dan Općine Foča-Ustikolina. Na ovaj dan izvršena je reintegracije područja općine 1996. godine.

20. mart/ožujak - Dan Grada Zenica. Na taj dan 1436. godine Zenica je prvi put spomenuta u dokumentu kojim se dubrovačkim trgovcima omogućava slobodno kretanje i poslovanje na području Bosne.

21. mart/ožujak - Dan Općine Doboj Jug je 21. mart, kada je 1998. godine održana prva Konstituirajuća sjednica Općinskog vijeća nakon proglašenja - uspostavljanja novih općina. Također, tada je Armija RBiH 21. marta 1993. godine zaustavili veliku neprijateljsku ofanzivu u Bici na Karušama, tzv.tenkovska bitka u kojoj su jedinice 203. Slavne motorizovane brigade ARBiH "Doboj-Bosna" uništili osam tenkova i tri transportera bivše JNA, odn.vojske tzv. RS-a.

21. mart/ožujak - Dan Općine Travnik.

